

20. April 2016

Inatsisartut aalajangiiffigisassaattut siunnersuutigineqarpoq Naalakkersuisut peqquneqasasut Peqqinnissaqarfiup aqunneqarnera, aaqqissuussaana kiisalu peqqinnissamut tunngasutigit sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. November 2010-meersup § 3, imm. 2 naapertorlugu kingusinnerpaamik 2017-imi, Naalakkersuisut tarnip pissusaanik ilisimasallit peqqinnissaqarfiup iluani, pisortat oqartussasuini allani namminersortunilu ilinniakkaminnut tunngasutigit silinerat pillugu malittarisassanik erseqqinnerusunik aalajangersaanissaat.

(Inatsisartunut ilaasortaq Steen Lyngé, Atassut)

Inatsisartunut ilaasortap Steen Lyngé Atassut Inatsisartut suleriaasianni § 33 naapertor-lugu aalajangiiffigisassatut siunnersuutaanut imaattumik Siumumiit oqaaseqassuugut.

Timikkut tarnikkullu peqqissuseq Siumut pingaartilluinnagaasa ilagaat. Innuttaasut sumiiffinni peqqinnissutsikkut atugaat sapinngisamik pitsaanerpaamikt inissisimanissaa pingaartillugu Siumut anguniagaqarusuttuaannarpoq.

Siunnersuut qaqinneqartoq tupigusuutiginnigilluinnaratsigu oqatigerusupparput. Ullumikkut tarnip pissusaanik ilisimasalinnik pisariaqartitsinerujussuarput ilisimavarput. Ajoraluartumilli pisariaqartitsisut sukkanerusumik tarnip pissusaanik ilisimasalinnik ikiorserneqarsinnaane-rat siunertaralugu sumut saaffiginnittoqarsinnaanera pillugu Naalakkersuisut suliniummik aallartisalernerat assut Siumumiit nuannaarutigaarput.

Oqaloqateqarsinnaaneq misigissutsinillu annissuisinnaaneq tassaavoq nakorsaatip pitsaanersaat. Tarnikkut nalaataqartutut misigisut assersutigalugu nalataaqarnerlunnermi naapertuuttumik ikiorneqartarnissaat tapersorsorluinnarparput. Tamatumalu pitsanngorsartuarneqarnissaa tamakkiisumik Siumumiit taperserlutigu. Ajornartorsiutip qanoq aaqqiiviginiarneqarsinnaanera qulaajarumallugu sukumiisumik sammeneqarnissaa Siumumiit soqutigilluinnarparput.

Tarnip pissusaanik ilisimasalittut ilinniarsimasuuneq qaffasissuuvoq, sinaakkutsillu illersorneqarnissamut attuumasut pitsaanerpaatigut qulakkeersimasariaqarnerat isumaqatigaarput. Malittarisassaliuunneqarnissaq sillimaniarnermut isumannaatsuunissamut attuumassuteqarpoq. Taamaattumik

aalajangiiffigisassatut siunnersuut tamakkiisumik Siumumiit taperserparput. Qujassutigarpullu Naalackersuisut tamanna eqqumaffigalugu suliniut ukiup tulliani nalunaarusianngorlugu saqqummiunissaa siunnummassuk.

Ataatsimiitaliami ingerlateqqinneqarnerani qulaajaafiqineqassapput apeqqudit pitsaanerpaamik ikiorsiinissamut sakkussatut aqqutissiuuneqarsinnaasut

Taamatut oqaaseqarluta siunnersut ataatsimiitaliami susassaqtumi suliarineqarnissaa innersuupparput.

Laura Táunâjik

Siumut